

解三齊
石沙藥

道光十二年四月
鐫

長沙藥解自序

聞之呂覽始生之者天也養成之者人也成之者遂其生也是天人之合也然生之者布帛也菽粟也殺之者若鋒刃若鼎鑊若水旱若蝗螟生之途未能十一殺之途不止十三何其生之寡而殺之多也此人事乎抑天道耶玉楸子曰此未足以爲多也有其至多者焉屠羊說以屠羊傳而羊不哀其道孤也無何屠牛垣以屠牛傳而庖丁起其黨漸衆牛始哀矣無何高漸離以屠狗傳而聶政興朱亥出樊噲生其徒愈繁而狗始悲矣無何白起章邯之屬以戰將名寔成郅都之輩以刑官著自茲屠人者傳矣風氣開下流衆苟道將爾朱榮之徒且比肩來索元禮來俊臣之類更接踵至尤而效之

抑又甚焉至于原野厭人之肉川谷流人之血人始哭矣此
良可疾首痛心已而君子未以爲痛也何則大難旣平且不
覩兵革之事且不聞羅織之經其人死其禍絕往者已矣來
者猶幸夫何庸工羣起而談岐黃則殺之至多而不可勝窮
者無如此甚矣不以戈鋌而人罹鋒刃不事箝網而人遭誅
夷其書多其傳久其流遠其派衆其人已死其禍不絕遂使
四海之大百世之遠盡飲其羽飽其鋒登其梯入其甕水旱
不年有而此無免時蝗螟不歲見而此無逃期痛哉痛哉此
最可痛哭流涕者也其天道乎抑人事耶玉楸子悲先聖之
不作後學之多悖處滑靡波流之日思以一簣障江河垂簾
著述十載於茲矣以爲書者庸工之法律藥者庸工之刀斧

千載大難吾將解之張睢陽曰未識人倫焉知天道天道遠
人理近始欲與之言人理人理立物性昭今且與之晰物性
恒有辯章百草之志未遑也辛未秋南浮江淮客陽邱墨墨
不得意癸酉仲春之初東郊氣轉北陸寒收遂乃遠考農經
旁概百氏近古以來李時珍作綱目搜羅浩衍援引該洽備
牛扁狗骨之木列雞頭鴨脚之草採神經怪牒以炫其奇徵
野史稗官以著其富紀載博矣而醜謬不經嗟乎未識人理
焉知物性今欲與之言物性仍兼與之晰人理侍讀吳公駐
馬相過聞之惘然離席進曰惟吾子刪其怪妄歸于簡約以
復炎黃之舊意亦可焉玉楸子伏而唯曰吾無從刪也經傳
炎帝非盡曩文錄出桐君不皆昔義下及餘子更不曉事莠

盛苗穢非種難鋤悉剗爾類利用大耕耳乃取仲景方藥箋
疏之作長沙藥解停筆愴懷中宵而嘆公孫悼倍偏枯之藥
以起死人其藥不靈何則人已死也然以治偏枯則其藥靈
偏枯者半死半生也偏枯之人而使之不枯是半死之人而
使之不死也則謂公孫悼之藥能起死人也可今以起死人
之藥而治偏枯其藥亦不靈非藥之不靈人之不解也噫前
古聖人嘗草木而作經後古聖人依感復而立法欲以生人
而後世乃以之殺人由其不解人理不解物性也王楸子長
沙藥性成知其解者旦暮遇之斯拱而俟之耳乾隆十八年
歲在癸酉二月昌邑黃元御撰

長沙藥解目錄

卷一

甘草

十二方

白朮

四方

人參

五方

大棗

一方

膠飴

三方

粳米

一方

薏苡

二方

小麥

一方

大麥

神麴

吳茱萸

三方

蜀椒

椒目

乾薑

五方

生薑

二方

半夏

十一方

代赭石

厚朴

六方

枳實

四方

梔子

七方

香豉

瓜蒂

二方

蜀漆

一方

藜蘆

升麻

二方

葛根

三方

赤石脂

二方

禹餘糧

鷄子黃

麻仁

一方

白蜜

一方

大黃

十五方

巴豆

共九十四方

卷二

當歸

五方

阿膠

二方

地黃

一方

芍藥

四方

防風

柴胡

二方

黃芩

二方

黃柏

柏皮

白頭翁

一方

秦皮

白朮

豆黃卷

苦參

一方

梓白皮

李根皮

一方

狼牙

一方

猪胆汁

三方

烏梅

一方

棗仁

一方

山茱萸

艾葉

竈中黃土

一方

新絳

馬通

王不留行

一方

桂枝

十方

羊肉

黃酒

苦酒

一方

川芎

牡丹皮

桃仁

一方

土瓜根

一方

蒴藿

乾漆

紅藍花

一方

敗醬

紫葳

麝虫

蜚螋

鱉甲 一方

蜂窠

蟲虫

水蛭

鼠婦

蜘蛛 一方

雄黃 一方

鉛丹

蟾蜍

鉛粉

共四十四方

卷三

黃耆 三方

薯蕷 一方

五味子

訶黎勒 一方

白前

細辛

射干 一方

紫菀

款冬花

杏仁 二方

薤白

桔梗 四方

橘皮 三方

皂莢 一方

白酒

葱白 一方

麻黃 十方

蘇葉

苦蘘根 三方

苦蘘實 三方

麥冬 一方

天冬

竹葉 二方

竹茹 一方

萎蕤

百合

六方

貝母

白薇

紫參

一方

栢葉

一方

栢實

鷄子白

豬膚

一方

瓜子

知母

石膏

二方

桑根白皮

旋覆花

二方

共四十九方

卷四

茯苓

九方

猪苓

二方

澤瀉

一方

葵子

一方

瞿麥

蒲灰

一方

通草

石韋

茵陳蒿

二方

連翹

一方

澤漆

一方

赤小豆

一方

防己

四方

海藻

商陸根

葶藶

一方

芫花

甘遂

一方

大戟

滑石

二方

戎鹽 一方

硝石 一方

芒硝 一方

赤硝

礬石 二方

雲母

白魚

文蛤 二方

鷄屎白 一方

猪膏 一方

人髮

人尿

裨褡灰 一方

黃連 三方

硃砂 一方

牡蠣 一方

龍骨 四方

附子 四方

烏頭 四方

蛇床子 一方

共五十五方

凡藥一百六十一方二百四十二

凡一百六十二卷四百七十二
卷五十五

京都琉璃廠路南
文德齋史鴻德鐫

長沙藥解卷一

昌邑黃元御辨載著

甘草 味甘氣平性緩入足太陰脾足陽明胃經 備冲和

之正味秉淳厚之良資入金木兩家之界歸水火二氣之間

培植中州養育四旁交媾精神之妙藥調劑氣血之靈丹傷

寒炙甘草湯

甘草四兩桂枝三兩生薑三兩大棗十二枚人參二兩生地一斤阿膠二兩麻仁半升麥冬半

升清酒七升水八升煮三升去渣入阿膠消化溫服一升日三服一名復脈湯治少陽傷寒脈結代

心動悸者以少陽甲木化氣于相火其經自頭走足循胃口

而下兩脇病則經氣上逆衝逼戊土胃口填塞矱厥陰風木

升達之路木鬱風作是以心下悸動其動在胃之大絡虛里

之分正當心下經絡壅塞營血不得暢流相火升炎經絡漸

而燥瀉是以經脉結代相火上燔必刑辛金甲木上鬱必尅
戊土土金俱負則病轉陽明而中氣傷矣甲木之升緣胃氣
之逆胃土之逆緣中氣之虛參甘大棗益胃氣而補脾精膠
地麻仁滋經脉而澤枯槁薑桂行營血之瘀瀉麥冬清肺家
之燥熱也甘草瀉心湯

甘草四兩大棗十二兩夏半升
黃連一兩黃芩三兩乾薑三兩

治太

陽傷寒中風下後心下痞鞭乾嘔心煩穀不化腹中雷鳴下
利者以下後中氣虛寒水穀不消土木皆鬱升降倒行脾陷
而賊於乙木則腹中雷鳴而下利胃逆而賊於甲木則心下
痞鞭而乾嘔君相火炎宮城不清是以心煩甘薑大棗溫補
中氣之虛寒芩連清泄上焦之煩熱半夏降胃逆而止乾嘔
也四逆湯

甘草二兩乾薑一兩
兩半附子生一枚

治太陰傷寒脉沉腹脹自利不

渴者以寒水侮土肝脾俱陷土被木賊是以腹脹下利附子
溫補其腎水薑甘溫補其脾土也脾主四肢脾土濕寒不能
溫養四肢則手足厥冷四肢溫暖爲順厥冷爲逆方以甘草
而君薑附所以溫中而回四肢之逆故以四逆名焉治少陰
病膈上有寒飲乾嘔者以其腎水上凌火土俱敗寒飲泛溢
胃逆作嘔薑甘附子溫補水土而驅寒飲也治厥陰病汗出
外熱裏寒厥冷下利腹內拘急四肢疼者以寒水侮土木鬱
賊脾微陽不歸表裏疏泄薑甘附子溫補水土以回陽氣也
通脈四逆湯甘草乾薑各三兩生附子一枚治少陰病下利清穀手足厥逆
脈微欲絕者以寒水侮土木鬱賊脾是以下利脾陽頹敗四
肢失溫是以厥逆經氣虛微是以脈微欲絕薑甘附子溫補

裏氣而益四肢之陽也治厥陰病下利清穀裏寒外熱汗出

而厥者以水土寒濕木鬱賊脾微陽不斂表裏疏泄薑甘附

子溫暖水土以達木鬱也四逆散甘草枳實柴胡芍藥等分爲末飲服方寸匕治

少陰病四逆者以水寒木枯鬱生風燥侵尅脾土中氣痞塞

不能四達柴芍清其風木甘草補其中氣枳實泄其痞滿也

甘草乾薑湯甘草四兩乾薑二兩治傷寒汗後煩躁吐逆手足厥冷者

以汗後火泄土敗四肢失養微陽離根胃氣升逆甘草乾薑

補土溫中以回升逆之陽也金匱甘草附子湯甘草二兩附子二枚白朮

二兩桂枝四兩治風濕相搏骨節疼痛汗出短氣小便不利惡風不

欲去衣或身微腫者以水寒土濕木鬱不能行水濕阻關節

經絡不通是以痛腫濕蒸汗泄衛陽不固故惡風寒朮甘補

土燥濕桂枝疏木通經附子溫其水寒也甘草麻黃湯

甘草二兩

麻黃四兩治裏水一身面目黃腫小便不利者以土濕不能行水

皮毛外閉溲尿下阻濕無去路淫蒸肌膚而發黃腫甘草補

其土麻黃開皮毛而泄水濕也傷寒調胃承氣湯

甘草二兩大黃三兩

芒硝半斤治太陽傷寒三日發汗不解蒸蒸發熱屬陽明者以寒

閉皮毛經鬱發熱汗出熱泄病當自解發汗不解蒸蒸發熱

者此胃陽素盛府熱內作將來陽明之大承氣證也方其蒸

蒸發熱之時早以甘草保其中硝黃洩其熱胃氣調和則異

日之府證不成也金匱白頭翁加甘草阿膠湯

白頭翁黃連黃栢秦皮各

三兩甘草阿膠各二兩治產後下利虛極者以產後亡血木燥賊傷脾

土而病下利白頭翁以清其濕熱甘草補其脾土阿膠潤其